



იმისთანა წმინდა საცმეში, ბოგბოგ ბეჭე-
ვუბი სიფყვას, ფედილებით და ჭებებით ბურ-
თის გაფანა ყელა უკადრისებაზე უსაბაგლესია.



გამოდის 1918 წლის
25 ივლისიდან

რესპუბლიკა

ხუთშაბათი, 27 აგვისტო. 2020 წ. №106 (9032)

ელ.ფოსტა: sakresp@mail.ru და sakresp@top.ge

ფასი 60 თეთრი

აურზაური „პატრიოტების“ ილორუი ყოფნის გამო!

და ფაქტო
პრაზიდანტის
მრჩეველი
თანამდებობიდან
გადადგა




ისტორიისა და ქვეყნის სიყვარულზე დაფუძნებული ხედვა...

სოფელ ძველ აბაშაში, ფონდ
„ქართუს“ მხარდაჭერით, კონსტან-
ტინე გამსახურდიას სახლ-მუზეუმის
სრული რეაბილიტაცია და სამუზე-
უმო კომპლექსის მშენებლობა მიმ-
დინარეობს. პროექტის ღირებულება
3 მილიონი ლარია.


მიმდინარე სამუშაოებს პირვე-
ლი პრეზიდენტის შვილები გიორ-
გი და კონსტანტინე გამსახურდი-
ები, „ქართული ოცნების“ აბაშის,
მარტვილის, ჩხოროწყუს და წა-
ლენჯიხის მაჟორიტარობის კან-
დიდატი ალექსანდრე მონერელი-
ასთან და აბაშის მერთან ერთად
გაეცნენ.

„დღეს ალექსთან ერთად, მე და
კოკომ ბაბუაჩენის მუზეუმის სამშენებლო სამუშაოები მოვი-
ნახულეთ. დიდი პროექტია, რომელიც, ფონდ „ქართუს“ მხარ-
დაჭერით ხორციელდება. სწორედ ესაა ისტორიასა და ქვეყნის
სიყვარულზე დაფუძნებული სახელმწიფოებრივი ხედვა, რომე-
ლიც ბიძინა ივანიშვილს აშკარად აქვს“, – წერს სოციალურ
ქსელ Twitter-ში გიორგი გამსახურდია.



არაეფექტური ოპოზიცია და ამომრჩევლის მესამე გზა... ④

ვინ ვის „დაჭამს“?!



ალმან ჯოჯუა: ③
თარხან-მოურავი
თანახმაა, რომ
საქართველომ
აფხაზეთის
დამოუკიდებლობა
აღიაროს




სტალინს რომ სდომოდა, ეს ავტონომიები არც იქნებოდა!

ვინ ⑧ ურევს ვითარებას ბელორუსში?!

სუკ-ის საიდუმლო იარაღი - ⑨ ბოქვენის ტილები „არამზადების შეთქმულაბაში“

„ძალი ღმრთისაი სადაცა დაადგ ჩეს“ ... ⑦



პავლე ინგოტოცვა
შაყტა
და
პეტროპოლისა
წარმოსახვაში

ახალი
ელეაზარი

აურზაური „პატრიოტების“ ილორში ყოფნის გამო!



დე ფაქტო პრაზიდენტის მრჩეველი თანამდებობიდან გადადგა

დღის წინათ ასევე უარყოფდა, მოგვიანებით, „წმინდა ჰუმანიტარულ აქციად“ მოიხსენია.

მოსკოვიდან დაბრუნებული საკანის ახალი კომენტარი 24 აგვისტოს აფხაზურმა მედიამ გაავრცელა. მასში, ნათქვამია: „მინდა, სიცხადე შევიტანო იმ თემასთან დაკავშირებით, რომელიც ბოლო დღეებში აქტიურად განიხილება აფხაზურ საზოგადოებასა და სოცქსელებში

„პატრიოტთა ალიანსის“ წევრების აფხაზეთში ვიზიტთან დაკავშირებული სკანდალის გამო დე ფაქტო პრეზიდენტის მრჩეველი ლაშა საკანია თანამდებობიდან გადადგა.

„ძვირფასო მეგობრებო, 2020 წლის 18 აგვისტოს არსებული ვითარებიდან გამომდინარე, იმისათვის, რომ საზოგადოებაში არ გავზარდოთ დაძაბულობა, გადავნიტე, საკუთარი ნებით დავტოვე თანამდებობა. ამასთან, მინდა აღვნიშნო, რომ მე ყოველთვის და ყველგან დავიცავ ჩვენი ხალხისა და სახელმწიფოს ინტერესებს!“, – წერს საკანია სოციალურ ქსელში.

„პატრიოტთა ალიანსის“ წევრების ოკუპირებულ აფხაზეთში გადასვლის შესახებ ინფორმაცია 20 აგვისტოს „მთავარმა არხმა“ გაავრცელა.

აფხაზეთის დე ფაქტო პრეზიდენტის მრჩეველი საგარეო საკითხებში, პარტია „აფხაზეთის სახალხო ფრონტის“ ხელმძღვანელი ლაშა საკანია ქართულ მხარესთან ყოველგვარ მოლაპარაკებებს უარყოფს. „საქართველოს პატრიოტთა ალიანსის“ წარმომადგენლებთან შეხვედრას კი, რომელსაც სულ ორიოდ



და რომელთან დაკავშირებითაც ასხენებენ ჩემს სახელს. აგვისტოს დასაწყისში მომმართეს ძველმა მეგობრებმა რუსეთის ფედერაციიდან და მოხოვეს, დახმარება გამენიო საქართველოდან ღვთისმშობლის ხატის ილორის მონასტრისთვის ძღვენის სახით გადაცემაში იმასთან დაკავშირებით, რომ მათ დავით თარხან-მოურავმა მიმართა. შესაბამისად, რუსმა მეგობრებმა მოხოვეს, მომხდინა აფხაზეთში ჩამოსვლის და ხატის გადაცემის ორგანიზება, რაც გაკეთდა კიდევ. ამით ჩვენი მისია ამოიწურა. სრული პასუხისმგებლობით ვაცხადებ, რომ არც მე, არც ჩემს თანაგუნდელ ალექსანდრე აგრბას, რომელიც ჩემი თხოვნით წამომყვა, არავისთან არანაირი მოლაპარაკებები არ გვინარმოვებია – ეს წმინდა ჰუმანიტარული აქცია იყო, რომლის შესახებაც რუსმა მეგობრებმა ყოველგვარი პოლიტიკური ასპექტებისა და შედეგების გარეშე მოხოვეს. საღმრთო ხატი ჩამოიტანა, მონასტრის გადასცა და ილოცა. ამით მათი ვიზიტი დასრულდა. ჩვენი მხრიდან არავის უცდია ამის გასაიდუმლოება და მით უფრო ამის პოლიტიკად ქცევა. როგორც მორწმუნეები, გულწრფელით ვთვლით, რომ ხატის გადაცემა კეთილი და ღვთისნიერი საქმეა. გალის რაიონის ხელმძღვანელობა და საგარეო საქმეთა სამინისტრო კი საქმის კურსში სწორედ იმიტომ არ ჩავეყენე, რომ

ამ ჰუმანიტარულ ღონისძიებას პოლიტიკური სტატუსი არ მისცემოდა“.

24 აგვისტოს გამართულ პრესკონფერენციაზე ირმა ინაშვილმა დაადასტურა, რომ ოკუპირებულ აფხაზეთში იმყოფებოდა საპარლამენტო ფრაქციის თავმჯდომარე გიორგი ლომიასთან ერთად.

„დაიხ, ნამდვილად ვიყავით. ჩვენ ღვთისმშობლის ხატი დავაბრძანეთ ილორის ტაძარში“, – განაცხადა ინაშვილმა.

მოგვიანებით მან თავის „ფეისბუქში“ პირად გვერდზე ილორის ტაძარში გადაღებული ფოტოები გამოაქვეყნა.

25 აგვისტოს სოხუმში „პატრიოტთა ალიანსის“ ვიზიტის გამო დე ფაქტო პრეზიდენტის თანაშემწის გადადგომა მოითხოვეს.

„ვერც ერთ საშინელ სიზმარში ვერ ვნახავდი იმას, რაც ცოტა ხნის წინათ მოხდა. აფხაზეთის დამოუკიდებლობის აღიარებიდან 12 წლის განმავლობაში ამ დონის სახელმწიფო მოღვაწე აფხაზეთში არ ყოფილა. ქვეყანა დალილია და აქციების მოწყობას არავინ აპირებს, მაგრამ ლაშა საკანიამ თანადგობა უნდა დატოვოს“, – განაცხადა გალის ოკუპირებულ რაიონის დე ფაქტო ადმინისტრაციის ყოფილი ხელმძღვანელმა თემურ ნადარიამ შეხვედრაზე, სადაც „სახალხო კრების დეპუტატები“ მიიწვიეს.



ალმას ჯორჯუა: თარხან-მოურავი თანახმაა, რომ საქართველომ აფხაზეთის დამოუკიდებლობა აღიაროს



დაწყებისკენ მოუწოდებს. პატრიოტების ოკუპირებულ აფხაზეთში ვიზიტს მძაფრი რეაქცია მოჰყვა სეპარატისტებშიც. თანამდებობა „პატრიოტების“ მასპინძელმა დეპუტატმა ლაშა საქანიამ უკვე დატოვა. „თარხან-მოურავის პატრიოტების ოკუპირებულ მხარეში სტუმრობის საკითხთან დაკავშირებით, დე ფაქტო

აფხაზეთის ვეტერანთა საბჭოს წევრები შეიკრიბნენ. შესვედრას ენ. პარლამენტის დეპუტატებიც ესწრებოდნენ. ამ საგანგებო შეხვედრაზე დეპუტატმა ალმაზ ჯორჯუამ განაცხადა, რომ დავით თარხან-მოურავი სხვა პარტიების ლიდერებისგან განსხვავებით, რეალობას ობიექტურად აღიქვამს.

„თარხან-მოურავის განცხადებებიდან ჩანს, თავადაც შეგიძლიათ ინტერნეტში ნახოთ, რომ ის ითხოვს დღეს შექმნილი რეალობის აღიარებას. დღეს, როდესაც საქართველოში ყველა პარტია ხალხს აფხაზეთის დაბრუნებას პირადება, ეს პოლიტიკური შანტაჟია. თარხან-მოურავი კი ითხოვს, რომ რეალობა იქ-

ნას აღიარებული, – ამბობს ოკუპირებული რეჟიმის ენ. დეპუტატი. „პატრიოტთა ალიანსის“ ერთ-ერთი ლიდერის ირმა ინაშვილის თქმით, უახლოეს მომავალში ბრიფინგს გამართავს, სადაც პარტიის აფხაზეთში ვიზიტის დეტალებზე ისაუბრებს.

2000-ზე მეტ მოქალაქეს თურქეთში ნასვლა შეეძლება

თურქეთში სამუშაოდ წასვლის ნებართვა საქართველოს 2000-ზე მეტმა მოქალაქემ უკვე მიიღო. ამის შესახებ გუშინ აჭარის მთავრობის სსდომარზე, აჭარის მთავრობის მეთაურმა თორნიკე რიჟვაძემ განაცხადა.

მთავრობის თავმჯდომარე ამბობს, რომ ხელისუფლება ამ მიმართულებით ინტენსიურად მუშაობს, რომ შესაბამისი მოწვევის მქონე მოქალაქეებმა ნაკლები ბიუროკრატიული ბარიერების გადალახვით მოახერხონ სამუშაოდ წასვლა.

„დღეის მდგომარეობით, 2000-ზე მეტმა პირმა მიიღო მეზობელ ქვეყანაში სამუშაოდ წასვლის ნებართვა, ამავე დროს, ჩვენ ინტენსიურად ვაგრძელებთ მუშაობას, კომუნიკაციას მოქალაქეებთან, რომ შესაბამისი მოწვევის წარმოდგენის შემთხვევაში, არავის შეექმნას დაბრკოლება



მათი კონკრეტული მიზნებისა და საქმიანობის განხორციელებაში და ასევე, საზღვრის კვეთა მოხერხდეს მინიმალური ბარიერებით“, – განაცხადა თორნიკე რიჟვაძემ.

რა რეპუტაციის დასვა იქნება აუსილუბელი თიბარებსა და ქინოთიბარებში

ქინოთიბარებში დაშვება მოხდება პირბადით და თითო სკამის გამოტოვებით მოხდება ადამიანების განთავსება, – ამის შესახებ ჯანდაცვის სამინისტროს შრომის პირობების ინსპექტირების დეპარტამენტის უფროსმა ბექა ფერაძემ საკოორდინაციო საბჭოს სხდომის დასრულების შემდეგ გამართულ ბრიფინგზე განაცხადა. მისი თქმით, ზოგადი რეკომენდაცია თერმოსკრინინგისა და დეზინფექციის ჩატარების შესახებ კინოთიბარებშიც უცვლელი რჩება.

„მოგახსენებთ იმ რეკომენდაციებს, რაც ჯანდაცვის სამინისტროს მხრიდან იქნება დაწესებული. ზოგადი მოთხოვნები, რაც შეეხება თერმოსკრინინგის ჩატარებასა და სადეზინფექციო სამუშაოების განხორციელებას, უცვლელი რჩება. 5 კვადრატულ მეტრზე იქნება ერთი ადამიანის დაშვება, ასევე განისაზღვრება ღონისძიების ჩატარების დროის ზედა ზღვარი. ამ შემთხვევაში თიბარებს ვგულისხმობ, ეს იქნება 3 საათი, რომელიც მოიცავს მომხმარებლის როგორც შენობაში შესვლის, ისე დატოვ-

ბის პროცესს. ღონისძიება უნდა გაიმართოს უწყვეტად, ანტრაქტის გარეშე“, – განაცხადა ბექა ფერაძემ.

საბავშვო ბაღები და თიბარები 1 ოქტომბრიდან გაიხსნება

ამის შესახებ საკოორდინაციო საბჭოს ოპერატიული შტაბის უფროსმა ალექსანდრე ხოჯევანიშვილმა განაცხადა.

„დაბა მესტიისა და ლენჯერში მიმდინარეობს ინტენსიური ტესტირება, რომელიც ჩვენ გვაძლევს საშუალებას, მივიღოთ გადაწყვეტილება, 2 სექტემბრიდან გაიხსნას აღნიშნული სოფლები. დაბა მესტიისა და ლენჯერში 2 სექტემბრამდე გაგრძელდება ინტენსიური ტესტირების რეჟიმი, რომელიც ხელს შეუწყობს პრევენციას და სურათის ნათლად ჩამოყალიბებას. გარდა ამისა, მიღებულია გადაწყვეტილება საბავშვო ბაღების გახსნასთან დაკავშირებით. როგორც მსოფლიო პრაქტიკა გვიჩვენებს, ეტაპობრივი მიდგომა უკიდურესად მნიშვნელოვანია მოხილონ შესაძლებლობა. შესაბამისად, 15 სექტემბრიდან გაიხსნება სკოლები, 1 ოქტომბრიდან კი საბავშვო ბაღები. ინტენსიურად ვმუშაობთ უმაღლეს სასწავლებლებთან, რის შესახებაც მიღებულ გადაწყვეტილებას ეტაპობრივად მოგავნდით. გარდა ამისა, მიღებულია გადაწყვეტილება თიბარების გახსნასთან დაკავშირებით. კინოთიბარები გაიხსნება 15 სექტემბრიდან, თიბარები კი 1 ოქტომბრიდან“, – განაცხადა ხოჯევანიშვილმა.



სტალინს რომ სდოოდა, ეს ავტონომიები არს იქნებოდა!

რა როლი მიუძღვის იოსებ სტალინს ცხინვალისა და აფხაზეთის საქართველოსთან ჩამოშორების საქმეში? რატომ არ იმართებდა ხმას, როცა ქართული მიწების გასხვისების პროცესი მიმდინარეობდა და საქართველოს წინააღმდეგ სერიოზული ნაღებები იღებოდა, ბუნებაში არარსებული ტერიტორიები, მათ შორის, ე.წ. სამხრეთ ოსეთი ჩნდებოდა?

იმ პერიოდის მოვლენებიდან ბევრი რამ გაურკვეველია, მაგრამ ობიექტურობისთვის უნდა ითქვას, რომ საქართველოსთვის საბედისწერო 1921-22 წლებში, როცა ჩვენი მიწების გასხვისება ხდებოდა, ყველაფერს უმაღლესი პარტიული სტრუქტურები წყვეტდნენ, სტალინი კი თავად იბრძოდა საკუთარი ძალაუფლების გასამყარებლად.

რაც შეეხება ე.წ. სამხრეთ ოსეთის ავტონომიას, ის 1922 წელს შეიქმნა, რადგან ოსი ბოლშევიკები დაღვრილი სისხლის სანაცვლოდ ავტონომიას ითხოვდნენ და არაფრად მიიჩნევდნენ მათი ხელით ქართველების დაღვრილი სისხლს.

როგორც ამბობენ, სტალინს ე.წ. სამხრეთ და ჩრდილოეთ ოსეთის გაერთიანება სურდა საქართველოს შემადგენლობაში. ცხინვალის რეგიონის ოსთა ლიდერი მას კრემლში ეწვია ე.წ. ორი ოსეთის საქართველოს შემადგენლობაში გაერთიანების იდეით. სტალინს ეს იდეა მოეწონა, მაგრამ წინააღმდეგობას წააწყდა მიქოიანისა და სხვა ლიდერებისგან. სტალინი დაარწმუნეს, რომ ამ იდეის განხორციელება შეიძლება ჩრდილო კავკასიის სხვა ნაციონალურ რესპუბლიკებშიც მსგავსი მისწრაფებები მოჰყოლოდა. თუნდაც კავკასიის მოეთხოვდა საკუთარი რესპუბლიკა, ამის დაემატებოდა ბაშკირეთისა და თათრეთის მოთხოვნა რუსეთისგან გამოყოფის შესახებ. შემდგომ წლებშიც ოსურ ინტელიგენციას არაერთი მცდელობა ჰქონდა, საქართველოს შემადგენლობაში გაერთიანებულიყო, თუმცა 37 წლის რეპრესიებმა ეს ინტელიგენცია იმსხვერპლა.



ანალიტიკოს **მანანა ნოზაძე** განმარტებით, ცხინვალის რეგიონის საკითხებში სტალინი ნაკლებად იყო ჩართული, მისი მიმართულება იყო ცარიცინის დაცვა და გადართული იყო პოლიტიკის მიმართულებაზე. სტალინი იმდროის საქართველოს ხაზით არ მუშაობდა და ქართული ბოლშევიკური ფრაქციის ბედი ჩაბარებული ჰქონდა ქვეთარაძეს, ორჯონიკიძეს, მამია ორახელაშვილს, ვლიავას.

„სტალინი ნაკლებად ერეოდა მაშინდელ ამიერკავკასიაში არსებულ სიტუაციაში. ის დაინტერესებული იყო, საქართველო განითავებულყო, რადგან კარგად ესმოდა, როცა 1920 წელს რუსმა ბოლშევიკებმა ვერ შეძლეს ბალტიისპირეთის გაწითლება, ლატვიელი ბოლშევიკების გააგუნა ლატვიაში შემცირდა. სტალინი ფიქრობდა, რომ საქართველოს არგანითლება მის შანსებს, ბოლშევიკურ პარტიაში დაეკავებინა პოზიციები, დააკნინებდა. რაც შეეხება საქართველოში ავტონომიების შექმნას, სტალინი ამაში საფარუდოდ მიიღებდა მონაწილეობას, მაგრამ უნდა გავითვალისწინოთ, რომ ეს იყო ლენინისა და ტროცკის იდეა, ეს არ იყო მაინცდამაინც სტალინის იდეა. ტროცკის სურვილი იყო, ე.წ. რეპრესირებული ეროვნული უმცირესობებისთვის, როგორც ისინი თვლიდნენ, მიენიჭებინათ რაც შეიძლება მეტი პოლიტიკური სტატუსი“, – აცხადებს ვახტანგ მაისაია.

მისივე განმარტებით, როგორც კი სტალინიმა ძალაუფლება ხელში ჩაიგდო, აფხაზეთის საკავშირო რესპუბლიკის სტატუსი მაშინვე გააუქმა, გააუქმა ამიერკავკასიის ფედერაციული რესპუბლიკა, სადაც აფხაზეთს ჰქონდა ისეთივე რესპუბლიკის სტატუსი, როგორც საქართველოს, სომხეთს და აზერბაიჯანს. ამ სტატუსის გაუქმების შემდეგ სტალინიმა აფხაზეთი დაუქვემდებარა საქართველოს, როგორც ავტონომიური პოლიტიკური ერთეული. მერე მოხდა სტალინისა და ბერიას დაპირისპირება ლაკობასთან.

„1920-21 წლებში სტალინის პოზიციები ბოლშევიკურ პარტიაში არ იყო მაინცდამაინც ძლიერი. სტალინი კი იყო ეროვნული უმცირესობების კომისარი, მაგრამ სულ სხვა საქმით იყო დაკავებული. რეალურ ძლიერებას მან მაშინ მიაღწია, როცა 1922 წელს ბოლშევიკური პარტიის გენერალურ მდივნად აირჩიეს. ის გახდა ერთგვარი ტექნიკური ხელმძღვანელი, რომელმაც ტექნიკური თანამდებობა გადააქცია პოლიტიკურ თანამდებობად. ლენინის გარდაცვალების შემდეგ ტროცკის გადაყენებაც შეძლო სტალინიმა მაშინ, როცა ტროცკი გაცილებით მაღალ თანამდებობაზე იყო, ვიდრე სტალინი. ფაქტობრივად, ტროცკი იყო საბჭოთა კავშირის პრეზიდენტი. სწორედ ტროცკიმ აუწია აფხაზეთის საკავშირო სტატუსი, ტროცკი და ლაკობა იყვნენ სტრატეგიული მეგობრები. ტროცკის საქართველო სულ არ აინტერესებდა, მას სურდა, ერებს წაეშალათ საზღვრები და დიდი თუ პატარა ერები გაერთიანებულიყვნენ ერთიან კომუნისტურ ინტერნაციონალურ სამყაროში.“

ეს ნიშნავს, რომ ტროცკის სულაც არ ადარდებდა, საქართველოში ხელოვნურად იარსებებდა თუ არა ე.წ. სამხრეთ ოსეთი. სხვათა შორის, ორჯონიკიძემ შეასრულა ტროცკის ეს მითითება, სტალინი ამას არ შეეწინააღმდეგებოდა, რადგან ეს იყო მაშინდელი ბოლშევიკური პარტიის გენერალური ხაზი. იმ პერიოდში ორჯონიკიძეს მეტი გავლენა ჰქონდა საქართველოზე, ვიდრე სტალინს. მამია ორახელაშვილი და სხვები სწორედ ორჯონიკიძის დაჯგუფების წევრები იყვნენ, ორჯონიკიძე კი ტროცკის მიერ იყო დასმული. ტროცკი და ორჯონიკიძე უფრო ახლოს იყვნენ ერთმანეთთან, ვიდრე ორჯონიკიძე და სტალინი.

ივანე ჯავახიშვილის სახელობის ისტორიისა და ეთნოლოგიის ინსტიტუტის ყოფილი დირექტორი, ისტორიის მეცნიერებათა დოქტორი, პროფესორი **ვაჟა კიკნაძე** მიიჩნევს, რომ რატომღაც ყველაფერი ბრალდება ორჯონიკიძეს, რომელიც იყო პაიკი. როდესაც იგი სტალინს აღარ დასჭირდა, ორჯონიკიძე იძულებული იყო, ან თავი მოეკლა, ან იგი მოკლეს. ასე უსწორდებოდა სტალინი ყოფილ ძველ ბოლშევიკებსაც, აბელ ენუქიძე იქნებოდა, თუ სხვა ვინმე.

„რა თქმა უნდა, სტალინს პირადად ჰქონდა ჩადებული რუსული იმპერიული იდეა, მას სწორედ იმისთვის სჭირდებოდა ეს ორი რეგიონი – აფხაზეთი და სამაჩაბლო, რომ მათი საშუალებით ყოველთვის გაეერთიანებინა საქართველო. მისთვის საქართველო საკოლა იყვნენ სტრატეგიული მეგობრები.“



რედაქცია სთხოვს ქართველ ისტორიკოსებს და პოლიტოლოგებს, გამოეხმაურონ ამ მტკივნეულ, დღემდე დაუდგენელ სახელმწიფოებრივ პრობლემას და ჯანსაღი პოლიტიკა გამოართონ ავტონომიური რესპუბლიკებისა და ოლქების გარშემო.

დაკარგული საქონელი საოკუპაციო ხაზთან...

საოკუპაციო ხაზთან მდებარე სოფელ კირბალში მცხოვრები ნინო გურნიშვილი შემოსავლის გარეშე დარჩა. მან ერთ დღეში სამი მწველი ძროხა დაკარგა. ძროხები ნახირთან ერთად სოფელში აღარ დაბრუნდნენ. მწყემსმა თქვა, რომ ოკუპირებულ ტერიტორიაზე გადავიდნენ. ოჯახმა ტყესთან ახლოს საქონელი დიდხანს ეძება, მაგრამ კვალს ვერ მიაკვლია. ტყე საოკუპაციო ძალების წარმომადგენლებს აქვე დაკავებული და ძროხების საძებნელად იქ შესულ მწყემსებს სწორად აკავებენ ხოლმე. გურნიშვილის ძროხების საძებნად მწყემსი ტყეში აღარ შევიდა. რუსეთის მესაზღვრეებმა კი ძროხები უკან არ გამოიყვანეს. ნინო გურნიშვილი რძის პროდუქტებს ამზადებდა და ყიდდა, ეს მათი ოჯახის მთავარი შემოსავალი იყო.



კირბალში სულ შვიდი სული საქონელი დაიკარგა. დაზარალებულებმა ხელისუფლებას დახმარებისთვის მიმართეს, თუმცა დაკარგული პირუტყვის კვალს ვერც მათ მიაკვლიეს. დაზარალებული კირბალელები ხელისუფლებისგან კომპენსაციას ითხოვენ, წინააღმდეგ შემთხვევაში საპროტესტო აქციებით იმუქრებიან. სოფელ კირბალს ტყის მასივი ესაზღვრება, ტყე, 2008 წლის ომის შემდეგ რუსეთის საოკუპაციო ძალების მიერ არის ოკუპირებული. იქვეა სოფლის სასაფლაო და საძოვარიც. სოფლის მცხოვრებლებს ძროხები სხვაგან ვერ მიჰყავთ, ამიტომ იძულებული არიან, ისევე ოკუპირებული ტერიტორიების სიახლოვეს გაუშვან საბალახოდ. იქ კი ხშირად საოკუპაციო ძალების წარმომადგენლები ჩასაფრებებს აწყობენ და ხან მწყემსებს და ხან ძროხებს იტაცებენ. ომის შემდეგ სო-

ფელი კირბალი იმით გახდა ცნობილი, რომ ამ სოფლიდან ყველაზე მეტ ადამიანს ე.წ. საზღვრის დარღვევის ბრალდებით აკავებდნენ. ახლა ადამიანები უფრო ფრთხილობენ და ტყეში შესვლას ერიდებიან, მაგრამ ძროხების დაკარგვა უკვე ტრადიციად იქცა. ყოველწლიურად კირბალიდან ათობით სული ძროხა იკარგება. მსგავს შემთხვევას შარხანაც ჰქონდა ადგილი. მამია დაზარალებულ მოსახლეობას ხელისუფლებამ კომპენსაცია გადაუხადა, ამიტომ ახალდაზარალებულებსაც იმის იმედი აქვთ, რომ უყურადღებოდ არ დარჩებიან.

გორის მერის წარმომადგენელი სოფელ კირბალში დავით ცერცვაძე აცხადებს, რომ ყველა შესაბამისი ორგანო საქმის კურსშია და ძროხების მოსაძებნად ევროკავშირის სადამკვირვებლო მისიის ცხელი ხაზიც ამოქმედდა. კირბალელები სამართალდამცავების პასუხს ელოდებიან, ისინი საქონლის დაბრუნებას ან კომპენსაციას მოითხოვენ, წინააღმდეგ შემთხვევაში საპროტესტო აქციებით იმუქრებიან.



საფრანგეთში ეიკო დღეა, მასშტაბურ ტყის ხანძარს ებრძვიან

საფრანგეთის სამხრეთში მეორე დღეა მასშტაბურ ტყის ხანძარს ებრძვიან. ამ დროისთვის 500 ჰექტარი ტყეა დაწვარი. ხანძარი ისტრის მუნიციპალიტეტში გაჩნდა. ჰაერის მაღალი ტემპერატურისა და ძლიერი ქარის გამო ცეცხლი მალე გავრცელდა.

პოლიციის ფარი, რომელიც დემონსტრანტებს უსვრის

რუსეთის თავდაცვის სამინისტროს სანარმოებმა ფორუმ „Армия 2020“-ზე ის ტექნოლოგიური სიახლეები წარმოადგინეს, რომელიც მათ გასული წლის განმავლობაში შექმნეს.



გამოფენაზე საზენიტო-სარაკეტო კომპლექს „Абакан“-ის, სამხედრო ბორან „კალაშნიკოვსა“ და ახალი მოდიფიკაციის ქვეითთა საბრძოლო მანქანასთან ერთად წარმოდგენილი იყო პოლიციის სპეცრაზმელთა ფარი „ლეგიონერი“, რომელიც საპროტესტო აქციების დაშლისთვის არის განკუთვნილი.

სიახლე ის არის, რომ ფარში დამონტაჟებულია სპეციალური მოწყობილობა, რომლის საშუალებითაც სპეცრაზმელს შეუძლია მომიტინგეთა მისამართით არალეტალური საბრძოლო მასალის (რეზინის ტყვიები, პეტარდები, წინაკისა და სხვა სახის ცრემლსადენი გაზის მასრები) სროლა.

მონკობილობა ფარის შიდა მხარეს მონტაჟდება და ჩახმახი ფარის სახელურზეა დამონტაჟებული. მას 12 მოკლე ლულა აქვს და სამ რიგად არის გაყოფილი, შესაბამისი დანიშნულების ტყვიების მიხედვით. მსროლელს შეუძლია აირჩიოს, თუ რომელი ტყვია გაისროლოს. ამასთან, ფარს ლაზერული დამიზნების სისტემაც გააჩნია. გარდა ამისა, თავდაცვის უწყებამ გამოფენაზე წარმოადგინა სამლულიანი „კოსმოსური პისტოლეტი“, რომელიც საბჭოთა კოსმონავტებს ეძლეოდათ კოსმოსში გაფრენის წინ. პისტოლეთს ჩვეულებრივი ტყვიების გარდა, სასიგნალო რაკეტის გაშვებაც შეეძლო. როგორც განმარტავენ, ეს იარაღი კოსმონავტებს იმ შემთხვევაში დასჭირდებოდათ, თუ დედამიწაზე დაშვებისას კაფსულის აღმოჩენა დროულად ვერ მოხერხდებოდა.

„მაშინ კაფსულის მოძებნას, შესაძლოა, რამდენიმე დღე დასჭირდებოდა, ამიტომ კოსმონავტებს ეს იარაღი თავდაცვის, ნადირობისა და საკუთარი ადგილსამყოფელის შეტყობინებისთვის ურიგდებოდათ,“ - აცხადებენ ისინი.

ყირიმი ჩვენი ტერიტორიაა და მას უკან დაიბრუნებთ

„ყირიმი ჩვენი ტერიტორიაა და უკან დაიბრუნებთ. თუმცა, ამ საკითხის განსახილველად სერიოზული და ეფექტური პლატფორმა არ არსებობს. 6 წლის განმავლობაში ერთი მდგრადი პლატფორმა არ შექმნილა, რომლის ფარგლებშიც ამ საკითხის განხილვა მოხდებოდა“, - განაცხადა უკრაინის პრეზიდენტმა ტელეარხ Euronews-სთვის მიცემულ ინტერვიუში.



ვოლოდიმირ ზელენსკიმ ასევე აღნიშნა, რომ „ნორმანდიის ფორმატში“ არავის სურს ყირიმზე საუბარი, ხოლო მთელი ყურადღება კი დონბასში მიმდინარე კონფლიქტს ეთმობა. ამასთან ერთად მან განაცხადა: „ვფიქრობ, ევროკავშირის ნამდვილად სურს უკრაინასთან პარტნიორობა, უკრაინის ევროკავშირის შემადგენლობაში ხილვა. თუმცა, ისიც სმართლება, რომ ევროკავშირის ყველა წევრ ქვეყანას ეს არ სურს. ვფიქრობ, უკრაინაში ასე პროცენტით დარწმუნებული არ არიან“.

ახლა ბელარუსის ოპოზიციას დასაპლატი მართავს



რუსეთის საგარეო საქმეთა მინისტრმა სერგეი ლავროვმა აშშ-ის სახელმწიფო მდივნის მოადგილესთან სტივენ ბიგანთან შეხვედრაზე განაცხადა, რომ „ბელარუსის ოპოზიციას დასაპლატი მართავს“.


ბაიდენის პრეზიდენტობა ჩინეთის ინტერესებშია

„რეალისტური პარტიის“ ეროვნულ ყრილობაზე სიტყვით გამოსვლისას აშშ-ის პრეზიდენტის ვაჟმა დონალდ ტრამპ-უმცროსმა განაცხადა, რომ აშშ-ის საპრეზიდენტო არჩევნები ჩამოყალიბდა, როგორც ეკლესია, სამსახური და სკოლა არეულობის, მართოდრობისა და ვანდალიზმის წინააღმდეგ.



მისივე თქმით, ჯო ბაიდენის პრეზიდენტობა ჩინეთის ხელი-სუფულების ინტერესებშია. „მათი ციან, რომ ჯო ბაიდენი დაგვასუსტებს როგორც ეკონომიკურად, ისე მსოფლიო ასპარეზზე“, - განაცხადა აშშ-ის პრეზიდენტის ვაჟმა.

ვიქტორ რუსნილაკის ხელსაპყრობა



ფილოსოფიურ-პოლიტიკური კრებულები

„საარმა“ გამომცემლობა „საარმა“ გამოსცა ცნობილი მთარგმნელისა და ფილოსოფოსის ვიქტორ რუსნილაკის „ფილოსოფიურ-პოლიტიკური კრებულები“, სადაც პირველად ითარგმნა გამოჩენილი გერმანელი სამართალმცოდნისა და ფილოსოფოსის კარლ შმიტის „პოლიტიკური თეოლოგია“, ასევე პირველად ითარგმნა დიდი რუსი ფილოსოფოსის ალექსეი ლოსევის „რა არის სატანიზმი“ და, სხვა წერილებთან ერთად, გამოჩენილი გერმანელი თეოლოგის ვოლფგანგ პანენბერგის ნაშრომი - „ათეიზმის ტიპები და მათი თეოლოგიური მნიშვნელობა“.

წიგნს ერთვს ვიქტორ რუსნილაკის კომენტარები და პუბლიცისტური წერილები.

საქართველოს რესპუბლიკა SAKARTVELOS RESPUBLIKA. მთავარი რედაქტორი სპარტაკ ძოგულია 599 36-00-35. პასუხისმგებელი რედაქტორები: გურამ გომიაშვილი 599 53-76-16; ალექო ასლანიშვილი 599 56-81-86; პასუხისმგებელი მდივანი მამუკა ვაშაკიძე 514 33-33-24.

გაზეთის მომავალი ნომერი გამოვა ხვალ, 28 აპრილს. ავტორთა სახურადლეო!

უხსოვარი ვაჭარის ქარსი: აუუ ფონური - 3.0778; პირი - 3.6429; ბრეტანული პირაპაპა სტარტინგი - 4.0421; 100 რუბლი - 4.1219; თურქული ლირა - 0.4161; აზერბაიჯანული მანათი - 1.8117; 1000 სომხური დრამი - 6.3410.

აპრილი 27 აპრილსთვის ავტოსავალი საპარკოვარი: ბარა - ლამი +13, ლამი +31; მთიანი რაიონები - ლამი +10, ლამი +29; დასაპლატი საპარკოვარი: ბარა - ლამი +17, ლამი +30; მთიანი რაიონები - ლამი +11, ლამი +29; თბილისი - ლამი +16, ლამი +29.

დაგვიკავით, მოგვწერით: ტელ: 239-03-43, 599-79-76-79, 568-82-09-84. ელ. ფოსტა: sakresp@mail.ru და sakresp@top.ge. ვებ-გვერდი: www.sakresp.ge